

INUIT ATAQATIGIIT INATSIARTUNI



UPA 2023/61
3. maj 2023
Hans Aronsen

Kalaallit Nunaannut suliffissarsiortarneq pillugu Inatsisartut inatsisaata allanngortinneqarnera pillugu Inatsisartut inatsisaattut siunnersuummik saqqummiussinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsisissatut siunnersuut nunatsinnut nuuttut kalaallit kulturiannik, oqaasiinik naleqartitaannillu ilinniarnissamut piumasagaatitalimmik periarfissinneqarnissaannik aalajangersaassaaq. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq. Inatsisissamik piareersaasiarluni suliaqarnerup peqatigisaanik, Kalaallit Nunaanni inuiaqatigiinnut akuusitsilersitsinissamik inatsimmik atulersitsinissaq pillugu Naalagaaffeqatigiinni oqartussaasunut Naalakkersuisut saaffiginnissuteqassapput.

(Inatsisartunut ilaasortaq Agathe Fontain, Inuit Ataqatigiit)

Oqaaseqaat:

Siunnersuuteqartoq Inatsisartunut ilaasortaq Agathe Fontain qutsavigaarput, siunnersuummut pingaaruteqartumut saqqummiussaanut.

Inuit Ataqatigiit nunatsinni inuiattut naleqartitagut ersarissuussasut pingaartipparput. Naleqartsitattalu suuneri innuttaasut peqatigalugit sanarfineqarnissaat pingaartuuvoq.

Inuit Ataqatigiit pingaartippagut kulturikkut eriagisassat salliunnissaat, oqaatsitta piujuarnissaat, eriaginissaat, ileqqut nunatsiniinnaq pigisagut. Ileqqutta kalaallarissunik taarusutakka, attattuarnissaat. Pilisarnerit piujuarnissaat. Inooqatigiinnikkut ataatsimooriaatsikkullu ileqquvut, ataatsimuualaarnerit, oqaluttuaqattaannerit kaffillernerit. Il. Il.

Nunatsinni inuiaat ikittunnguunerput, ilinniarsimassuserpullu ilaatigut suli appasimmat, naak iliniagaqartut amerliartoraluartut, avataaniit suliartortunik assigiinngitsunik pisariaqartitsivugut. Nunaqqatigut nakorsat

INUIT ATAQATIGIIT INATSISARTUNI



assersuutigiinnarutsigit, pisariaqartsitilluinnarpugut avataaniit tikittartunik atorfiit tamakkerneqassasut. Ilami iliniagaqanngitsunilluuniit assassornikkullunniit piginnaasalinnik amigaateqarpugut.

Taammammatt siunnersuuteqartoq isumaqatigaarput Kalaallit Nunaannut suliffissarsiortarneq pillugu inatsit allanngortariaqartoq, avataaniit tikittunut piunnaasaqateqarnermik imalimmik.

Tupinnartuunngilaq nunatut avataaniit suliaartortitatsinnut piunnaasaqateqarnissaq. Piunnaasaqateqarneq imaanngilaq ajortuusoq. Piunnaasaqateqarneq ajunngitsumik siunertaqarpoq, ataqqeqatigiinnissamik peqatigiilluarnissamik siunertaqarmat.

Avataaniit tikittugut tikilluaqqussavagut, akuutissavagut, misigitissavagut ilatut peqatigerusutatut. Ilinniartigissavagut inuiaat allat aamma qanoq pissuseqarnerannik, pitsaasorisatsinnik, soorunami nammineq inuiattut pingaartitagut mianeralugit. Akuutissavagut pissarsiffigisinnaagatsigit.

Ullumikkut nunanit allaneersut peqatigineruneri annertunerusinnaavoq. Ataatsimoorluta peqatigiiffigisartakkatsinnut peqataanerulernissaannik kaammattortigit, ileqqutsinnik ilinniartitsigit, taamaaliornikkut inuiaatut peqatigiuminartutut ilikkassavaatigit, tunniussaqaqarfigissavaatigit. Maannakkutuut pisinnaatitaaffeqarput aamma pisussaaffeqarput.

Naalakkersuisut akissutaanni Nunanit allamiit suliaartortut ukioq ataasiakkaarlugit akuersissummik pisartut eqqaavaat. Taakkununnigali piunnaasaqat ataasiinnaarpasilluni, tassa pisortat ikiorsiissutaanik pissanngitsut. Apeqqutigerusunnarpoq akuersissummik ukioq ataasiakkaartumik sivitsuisaqattaarnerit qassiunersut, ukiullu qassit sivitsuisaqattaartoqarnerisoq.

Akissummilu ataavartumik najugaqarnissamik qinnuteqartut piunnaasaqarfigineqartarneri allaaserineqarpoq. Oqaatsit tungaatigit

INUIT ATAQATIGIIT INATSISARTUNI



piumasaqaat qanoq nalilernerqartarpa? Kalaalisut Danskisulluuniit
paasinartumik oqalussinaneq qanoq uuttorneqartarami? Ataasiakkaanik
oqarsinnaaneq naammappa?

Naalakkersuisut allannguttissatut siunnersuuteqarput. Taammaattumik
ataatsimiititaliamut ingerlateqqipparput. Kissaatigalugu matuminnga
allannguineramik peqataasussat kommunit aammalumi kattuffiit
oqaloqatigineqarumaartut.

Qujanaq.